



EQIKKAANEQ

30. januar 2023

SEP/VIL

Aningaasersuinermik ingerlatsisut ilaasa ilusilersoqqinneqartarnerat atorunnaarsinneqartarnerallu pillugu aamma Finansiel Stabilitet pillugu inatsisip atorunnaarsinneqarnissaa pillugu inatsisip Kalaallit Nunaannut atuutilersinneqarnerat pillugit peqqussummut eqikkaaneq**1. Allannguutissatut inatsisini pissutsit pingaarnerit**

Kunngip peqqussutissaanut missingiummi nassiunneqartumi aningaasersuinermik ingerlatsisut ilaasa ilusilersoqqinneqartarnerat atorunnaarsinneqartarnerallu pillugu inatsimmut allannguutit arlallit atuutilersinneqarput. Tamatuma saniatigut Finansiel Stabilitet pillugu inatsit Kalaallit Nunaannut atorunnaarsinneqarpoq.

Allannguutit inatsisip nr. 1563-ip, 15. december 2015-imeersoq, inatsisip nr. 666-ip, 8. juni 2017-imeersup, inatsisip nr. 2110-ip, 22. december 2020-imeersup aamma inatsisip nr. 2382-ip, 14. december 2021-imeersup malitsigaat. Aallaaserinninnerup matumap saniatigut allannguinermik inatsisini ataasiakkaani inatsimmut oqaaseqaatit innersuussutigineqarput. Taakkununga Kalaallit Nunaanni pissutsinut naleqqussaanerit aamma ilaapput, taakkulu eqikkaanerup massuma naqqani immikkut ittumik nassuiaatigineqarput.

Aningaasersuinermik ingerlataqarnek pillugu inatsisini assigiinngitsuni aalajangersakkat ilaat pillugit peqqussutissatut missingiummut, tusarniaanermut akinissamut 19. januar 2023 piffissalerlugu Kalaallit Nunaannut tusarniutigalugu 15. december 2022 nassiunneqarsimasumut atatillugu, kunngip peqqussutaanut missingiut manna isigineqassammat maluginiarneqassaaq.

Nassuiaatit arlaqartut nutaat, peqqussutissatut missingiummi § 3, nr. 4, 5 aamma 7 aqqutigalugit eqqunneqarnissaat siunnersuutigineqarpoq, matumani immikkoortortaarfik atorunnaarsitsinissamik suliniuteqarfigineqartoq aamma ingerlatseqatigiiffissuaq atorunnaarsinneqarnissamik suliniuteqarfigineqartoq pillugit isummap imarisai ilanngullugit. Immikkoortortaarfik atorunnaarsitsinissamik suliniuteqarfigineqartoq aamma ingerlatseqatigiiffissuaq atorunnaarsinneqarnissamik suliniuteqarfigineqartoq pillugit isummap imarisai allannguutitut, atorunnaarsitsinissamik pilersaarusioneq pillugu aningaasersuinermik ingerlataqarnek pillugu inatsimmi Kalaallit Nunaannut naammassineqartussatut siunnersuutigineqartumut atatillugit isigineqassapput. Siunissami ingerlatseqatigiiffissuit atorunnaarsinneqarnissaannut pilersaarutini, immikkoortortaarfiiit sorliit *ingerlatseqatigiiffissuarmi atorunnaarsitsinissamik suliniuteqarfigineqartumi* pineqartumi ilaatinneqarnersut taaneqartalissaaq, aamma *immikkoortortaarfik atorunnaarsitsinissamik suliniuteqarfigineqartoq* pilersaarutip taassavaa, taannalu immikkoortortaarfiusaaq atorunnaarsitsinissamik pilersaarut malillugu atorunnaarsitsinermi atorunnaarsitsinissamik suliniutini ilaatinneqartussaaq.

Peqqussutissatut missingiummi § 4, imm. 1 nr. 2 allanngortinneqarpoq, taamaalluni Aningaaserivinnik Nakkutilliisoqarfiup aalajangersagaq malillugu Finansiel Stabilitet-imut nalunaaruteqartinnagu, Aningaaserivinnik Nakkutilliisoqarfiup Finansiel Stabilitet-imik tusarniaaqqaarmissaa pillugu piumasaqaataarulluni. Nalunaarut taamaattoq Finansiel



Stabilitet-ip atorunnaarsitsinissamik suliniuteqarnissanik aallartitsinissaanut piumasaqaataavoq.

Peqqussutissatut missingiummi piginnittutut ingerlatseqatigiiffiit aningaasersuineramik ingerlataqartut pillugit § 4, imm. 2-p allanngortinneqarnissaa siunnersuutigineqarpoq. Piginnittutut ingerlatseqatigiiffik aningaasersuineramik ingerlataqartoq nammineerluni atorunnaarsinneqarnissamut piumasaqaatinik naammassinnippat, Finansiel Stabilitet piginnittutut ingerlatseqatigiiffiit aningaasersuineramik ingerlataqartut pillugit atorunnaarsitsinissamik suliniuteqarnissamik aallartitsinnaasoq, Aalajangersagassatut siunnersuutip aallaqqaataani takuneqarsinnaavoq. Tamatuma saniatigut pisuni naak piginnittutut ingerlatseqatigiiffik aningaasersuineramik ingerlataqartoq nammineerluni atorunnaarsinneqarnissamut piumasaqaatinik naammassinninngikkaluartoq Finansiel Stabilitet-ip atorunnaarsitsinissamik suliniuteqarnernik aallartitsinissaanera pillugu aalajangersagaq killiliivoq. Pisuni taamaattuni piginnittutut ingerlatseqatigiiffimmu aningaasersuineramik ingerlataqartumut, piumasaqaatit pingasut erseqqissumik aalajangersakkat naammassineqarsimatillugit Finansiel Stabilitet atorunnaarsitsinissamik suliniutinik aallartitsinnaavoq. Taamaalilluni piginnittutut ingerlatseqatigiiffimmu aningaasersuineramik ingerlataqartumut Finansiel Stabilitet-ip atorunnaarsitsinissamik suliniutinik aallartitsinissaanut, piginnittutut ingerlatseqatigiiffiup aningaasersuineramik ingerlataqartup nammineerluni atorunnaarsinneqarnissamut piumasaqaatinik naammassinninngitsup, suliffeqarfiutai aalajangiisutut sunniuteqarfigineqartut akornanni ataaseq aningaaseriviussoq, tigussaasumik sallunaveeqquteqarluni taarsigassarsititsisarfiussasoq imaluunniit aningaasateqarfinnut niueqatigiinnermi akunnermiliuttartutut ingerlatsiviussoq I-iusoq, atorunnaarsitsinissamut piumasaqaatinik naammassinnissasoq piumasaqaataavoq. Aningaasersuinermik piginnittutut ingerlatseqatigiiffiup suliffeqarfiutaani aalajangiisutut sunniuteqarfigineqartumi, (aningaaseriviusumi, tigussaasumik sallunaveeqquteqarluni taarsigassarsititsisarfiusumi imaluunniit aningaasateqarfinnut niueqatigiinnermi akunnermiliuttartutut ingerlatsiviit I-iusumi) isasoorneq, ingerlatseqatigiiffissuarmi atorunnaarsitsinissamik suliniuteqarfigineqartumi isasoornissap aarlerinaateqalerneranik malitseqassasoq, Aningaaserivinnik nakkutilliisoqarfiup nalilissagaa aamma piumasaqaataavoq.

Aammattaaq nutsamik § 4, imm. 3-mik ilanngussisoqassaaq, taamaaliornerullu pisuni, suliffeqarfiit piginnittumit aalajangiisutut sunniuteqarfigineqartut, ingerlatseqatigiinni piginnittutut suliffeqarfimmit assigiinngitsunik akuugaasumit toqqannartumik toqqaannakkaluartumilluunniit pigineqarneranni, ingerlatseqatigiiffissuup atorunnaarsinneqarnissaa siunertaralugu, aningaasersuinermut piginnittutut ingerlatseqatigiiffimmu, ataatsimik arlalinnilluunniit suliffeqarfinnik ingerlatseqatigiiffittut piginnittumit aalajangiisuusumik sunniteqarfigineqartumut atorunnaatsitsinissamik suliniutinik Finansiel Stabilitet-ip atorunnaarsitsinissamik suliniutinik aallartissagai, tamatuma kinguneraa.

Peqqussutissatut missingiut aqutugalugu nutsamik § 4, imm. 5-imik ilanngussisoqarnissaa siunnersuutigineqarpoq, tassanilu atorunnaarsitsinissap tamanit soqutigineqarnissaanik piumasaqaat naammassineqarsimannngitsoq Finansiel Stabilitet-ip nalilerpagu, Finansiel Stabilitet atorunnaarsitsinissamik suliniutinik aallartissanngilaq, taamaatoq pisut imm. 2-mi aamma § 18 a-mi ilanngunnagit.



Peqqussutissatut missingiummi nutaatut § 4, imm. 6 ilanngunneqassaaq, tamatuma kingorna ingerlatseqatigiiffissuarmi atorunnaarsitsinissamik suliniuteqarfigineqartumi pineqartumi atorunnaarsitsinissamut piumasaqaatit naammassineqarpata, suliffeqarfissuup iluani qitiusumik aqutsinermik siunnersuinernilluunniit ingerlatsivimmut kiisalu aningaasarivinnut aamma tigussaasumik sallunaveeqquteqarluni taarsigassarsititsisarfinnut, ingerlatsivimmut taamaattumut aalajangersimasumik atassuteqartunut, aamma ingerlatseqatigiiffissuarmi atorunnaarsitsinissamik suliniuteqarfigineqartumi tassani ilaasunut, Finansiel Stabilitet atorunnaarsitsinissamik suliniutinik aallartitsisinnaavoq. Naak aningaaseriveqaraluartoq-imaluunniit tigussaasumik sallunaveeqquteqarluni taarsigassartitsisarfeqaraluartoq, nammineerlutik atorunnaarsinneqarnissamik piumasaqaatinik naammassinninngitsunik, matumani nammineerlutik ajornartorsiuteqaratik imaluunniit naatsorsuutigineqarsinnaasumik ajornartorsiuteqaratik, ingerlatseqatigiiffissuup atorunnaarsitsinissamik suliniuteqarfigineqartup pineqartup atorunnaarsitsinissamut piumasaqaatit naammassippagit, suliffeqarfissuup iluani qitiusumik aqutsinermik siunnersuinernilluunniit ingerlatsivimmut kiisalu aningaasarivinnut aamma tigussaasumik sallunaveeqquteqarluni taarsigassarsititsisarfinnut, ingerlatsivimmut taamaattumut aalajangersimasumik atassuteqartunut atorunnaarsitsinissamik suliniuteqarnerit aallartinneqarnissaat aalajangersakkap qulakkiissavaa. Qitiusumik aqutsinermik siunnersuinernilluunniit ingerlatsivik ima paasineqassaaq, ingerlatsivik aningaaserivinnik tigussaasumillu qularnaveeqquteqarluni taarsigassarsiniartarfinnik (taarsigassarsiniartarfinnik) arlalinnik atassuteqartoq, qitiusumillu aqutsinermik siunnersuinernilluunniit ingerlatsivimmi aqutsisut nunami tassani inissisimallutik aamma taarsigassarsiniartarfiit attuumassuteqartut aqutsisuinut ilitersuinissamik piginnaatitaasoq. Qitiusumik aqutsinermik siunnersuinernilluunniit ingerlatsivik taarsigassarsiniartarfiillu attuumassuteqartut pisussaaffimminnut imminnut assigiimmik pisussaaffimmik pisussaataapput akisussaataaallutilluunniit, imaluunniit taarsigassarsiniartarfiit attuumassuteqartut pisussaaffii tamakkiisumik qitiusumik aqutsinermik siunnersuinernilluunniit ingerlatsivimmit qularnaveeqquserneqarput.

Peqqussutissatut missingiut aqqutigalugu nutaamik § 4 a-mik eqqussisoqarnissaa siunnersuutigineqarpoq. Suliffeqarfiup imaluunniit immikkoortortaqaarfiup atorunnaarsitsinissamik piumasaqaatinik naammassinninnera sioqqullugu, taamaallillunilu ilusilersoqqinneqarluni imaluunniit atorunnaarsinneqalerluni, Finansiel Stabilitet-ip akiliisussaataaannernik- aamma tunniussisussaataaannernik atorunnaarsitsigallarsinnaanera pillugu aalajangersagaq imaqarpoq. aalajangersagaq piumasaqaatinik pingasunik imaqarpoq, taakkulu Finansiel Stabilitet atorunnaarsitsinermik suliaqartinnagu naammassineqarsimassapput. Atorunnaarsitsigallarneq ilaatigut suliffeqarfiup aningaasaqarnikkut inissisimanerata ajorseriarnissaata ingalassimaneqarnissaamit pisariaqartutut nalileneqassaaq. Atorunnaarsitsigallarneq akilersuutinut akiliutinut tunniussinernullu suugaluartunulluunniit ilaatinneqarsinnaavoq, matumani taarsigassarsititsinermik isumaqatigiissutit malillugit akilersuutit nalinginnaasut, obligationinik atulersitsineq, aningaasaliissutit utertillugit akileneqarnissamik qularnaveeqqutitalit aamma suliffeqarfimmit imaluunniit immikkoortortaqaarfimmit aningaasaqarnermut tunngasunik isumaqatigiissusiarineqartut ilanngullugit. Atorunnaarsitsigallarneq ulluinaap tulliusup naanissaanut sivisussuseqarpoq.

Peqqussutissatut missingiummi § 2-kkut nutaamik § 13, imm. 4 ilanngunneqarpoq, aningaasaliissutinut tunngaviit pillugit pisassat, akiliisinnaajunnaarnermi pisassat allat kingornatigut akileneqassasut tamatuma kinguneraa. Aningaasaliissutinut tunngaviit pillugit pisassat, instituttimi ajornartorsiortumi imaluunniit naatsorsuutigineqarsinnaasumik ajornartorsiortumi, tamatuma kingorna akiliisinnaajunnaarnermi akiligassat akileneqarnissaannut tulleriaarnermi kingullertut inissinneqassapput taamaallitullu



annaasaqaataaqaartussaallutik. Taamaalilluni instituttumi aningaasaliissutinut tunngaviit pillugit pisassat Aningaasersuineramik ingerlatsisut ilaasa ilusilersoqqinneqartarnerat atorunnaarsinneqartarnerallu pillugu aamma finansiel stabilitet pillugu inatsisip atorunnaarsinneqarnissaa pillugu inatsisip Kalaallit Nunaannut atuutilersinneqarnerat pillugit peqqummi § 12, imm. 4-mut naapertuupput, taamaalilluni akiligassaqarfigisaq kinaagaluartorluunniit akiliisinnaajunnaarnermut naleqqiullugu atorunnaarsitsinerami ajornerusumik inissinneqannginnissaa pillugu tunngavik eqqortinneqarpoq.

Peqqussutissatut missingiut aqcutigalugu nutaamik § 13, imm. 5-imik eqqussisoqarpoq, aningaasaliissutinut tunngavinnut sakkuutit pillugit akiliisinnaajunnaarnermut inatsisitigut inissisimaneq pillugu malittarisassanik tunngassuteqartoq aalajangersagaq nutaaq. Akiliisinnaajunnaartoqartillugu sakkuutit pillugit isumaqatigiissutinut tunngavinni allatut takuneqarsinnaasut apeqqutaatinnagit, aningaasaliinermit tunngavinnut sakkuutit aningaasaatit suussusaannit, aningaasaliissutinut tunngaviit ilaaffigisaannit, atorsinnaajunnaassapput. Siumut isigisumik taarsigassarsisitsisarfiit tunillatsinnissamik aarlerinaatit taaneqartartumut isumannaarinnissapput, tassani aningaasaliinermit sakkut suussusaasa ilaat aningaasaliinermit tunngavimmik naatsorsuinerami ilaatinneqassanngillat, pissutigalugu aningaasaliinermit sakkuutit allatut suussusillit, akiliisinnaajunnaartoqartillugu sakkuummut tassunga naligiissinneqartarmata.

Atorunnaarsitsinissamut piunasaqaatit naammassineqarsimatillugit, suliffeqarfimmi imaluunniit immikkoortortaqarfimmi aningaasaliinermit sakkuutit naleqquttut piviusumik qitiusumik aningaasaliinermit sakkuutit Finansiel Stabilitet-ip nalikillissagai imaluunniit nuussagai, § 17, imm. 1-ip malitsigaa. Peqqussutissatut missingiut aqcutigalugu § 17, imm. 1-imi nutaatut oqaaseqatigiit aappaat ilanngunneqassaaq, tassanilu pisussaaffinnik nalikilliliinerit nuussinerilluunniit, pisuni suliffeqarfik immikkoortortaqarfilluunniit suliffeqarfiutillugu, ingerlatseqatigiiffittut piginnittumit aalajangiisutut sunniuteqarfigineqartoq imaluunniit immikkoortortaqarfimmi atorunnaarsitsinissamik suliniuteqarfigineqartumi immikkoortortaqarfiusoq pineqartillugit, Finansiel Stabilitet-ip suli amerlanerusunik pisussaaffinnik nalikilliliinnaanera imaluunniit nuussinnaanera pineqarpoq. Pisumi tassani aammattaaq pisussaaffiit nalikillilerneqarnissamut naleqquttunut arlalinnut tunngatillugu Finansiel Stabilitet aammattaaq nalikilliliissasoq imaluunniit nuussissasoq aalajangersakkap malitsigaa. Aalajangersagassatut siunnersuutigineqartumi pisut, Finansiel Stabilitet-ip atorunnaarsitsinissamut tunaartaqarluni iliuusissanik pilersaarussiaq atorumanerusartakkamik avaqqutsinera pineqarpoq, taannalu ingerlatseqatigiiffissuarmut atorunnaarsitsinissamik suliniuteqarfigineqartumut ingerlatseqatigiiffissuup atorunnarsinneqarnissaanut pilersaarummi aalajangersarneqarpoq, aamma suliffeqarfimmut immikkoortortaqarfimmulluunniit tassunga tunngatillugu atorunnaarsitsinissamut piunasaqaatit naammassineqarneranni, suliffeqarfimmut, ingerlatseqatigiiffittut piginnittumit aalajangiisutut sunniuteqarfigineqartumut atorunnaarsitsinissamik iliutsinik aallartitsissaaq. Pisussaaffiit ilaatinneqartut tassaasut pisussaaffiit suliffeqarfiup immikkoortortaqarfiulluunniit akiligassanut nalikillilerneqarnissamut naleqquttunut minnerpaaffissatut piunasaqaatip (NEP-mut piunasaqaatip) naammassineqarnissaanut atorsinnaasai, atorunnaarsitsinerami siullertut nalikillilerneqassasut nuunneqassasulluunniit aalajangersakkap kinguneraa, imaappoq Finansiel Stabilitet-ip atorunnaarsitsinissamik suliniutinik aallanik aalajangiinera sioqqullugu imaluunniit peqatigisaanik tamanna pissaaq. Manna tikillugu pisussaaffiit ilaatinneqartut § 25-imi akiligassaqarfigisanit aningaasaliisunillu allanit aningaasaliissutit annaasaqaataasinnaasut suliarineqartut pillugit atuuffimmi ilaatinneqarsimapput.

§ 17, imm. 1-imi ilanngussaq inatsimmi allannguutip kingunerisaanik allannguineramik kinguneqarpoq.



Tamatuma saniatigut § 17-imi nutaatut imm. 5 ilanngunneqarpoq, tassani aningaasaliinermut sakkuutunik aamma imm. 1 malillugu pisussaaffinnik nalikillillerneqarnissamut naleqquttunik suliffeqarfimmi, ingerlatseqatigiiffittut piginnittumit aalajangiisutut sunniuteqarfigineqartumi imaluunniit immikkoortortaqarfimmi atorunnaarsitsinissamik suliniuteqarfigineqartumi immikkoortortaqarfimmi, nalikilliliinermi imaluunniit nuussinermi, pisuni, aningaasaliinermut sakkuutit naleqquttut aamma pisussaaffiit nalikillillerneqarnissamut naleqquttut, ingerlatseqatigiiffissuarmi tassani suliffeqarfiit allat aqutugalugu toqqaannangikkaluarmik immikkoortortaqarfimmit atorunnaarsinneqarnissamik suliniarineqartumit pigineqarpata, Finansiel Stabilitet-ip nalikilliliinissamut imaluunniit nuussinissamut pisinnaatitaanini ima atussagaa, annaasat immikkoortortaqarfimmut atorunnaarsitsinissamik suliniuteqarfigineqartumut ingerlateqqinnissaat qulakkeerneqassalluni. Aningaasaliinernut sakkuutitnik naleqquttunik aamma pisussaaffinnik nalikillillerneqarnissamut naleqquttunik nalikilliliinermi nuussinerrilluunniit ilumoortumik immikkoortortaqarfimmut atorunnaarsitsinissamik suliniuteqarfigineqartumut aamma taamaalillutik immikkoortortaqarfiup atorunnaarsinneqarnissamik suliniuteqarfigineqartup akiligassaqarfigisaanut ingerlateqqinneqarnissaat, aalajangersakkap qulakkiissavaa.

Peqqussutissatut missingiut aqutugalugu § 18 a ilanngunneqassaaq, tamatumalu kingora § 18 a-mi nr. 1-imiit 4 ilanngullugu piumasaqaatit allattorneqarsimasut naammassineqarsimatillugit, § 4 malillugu suliffeqarfimmut imaluunniit immikkoortortaqarfimmut atorunnaarsinneqarnissamut piumasaqaatinik naammassinninngitsunut §§ 17 aamma 18 atorneqassapput. Siullertut suliffeqarfiup immikkoortortaqarfilluunniit ingerlatseqatigiiffissuarmi atorunnaarsitsinissamik suliniuteqarfigineqartumi, immikkoortortaqarfimmi atorunnaarsitsinissamik suliniuteqarfigineqartumi suliffeqarfittut aalajangiisutut sunniuteqarfigineqartutut ilaanissaa piumasaqaatit kinguneraat, tulliuullugu nalikilliliisoqanngippat imaluunniit nuussisoqanngippat suliffeqarfik immikkoortortaqarfilluunniit ataannarsinnaanaviannngimmat. Suliffeqarfimmut, ingerlatseqatigiiffittut piginnittumit aalajangiisutut sunniuteqarfigineqartumut, immikkoortillugu isigalu ingerlaannarsinnaasumut, kisianni immikkoortortaqarfimmi atorunnaarsitsinissamik suliniuteqarfigineqartumi pissutsit malitsigisaannik aningaasaqarnikkut pissutsinik attassiinnarsinnaanissaminik neriuuteqarsinnaanngitsumut, akuliunnerit pisariaqartinneqartut suliarineqarnissaat aalajangersakkap qulakkiissavaa. Ingerlatseqarfissuarmut atorunnaarsinneqarnissamik suliniuteqarfigineqartumut atorunnaarsitsinissamik pilersaarummik Finansiel Stabilitet-ip naammassinninnissamut pisinnaatitaanera, taamaalillunilu ingerlatseqatigiiffissuarmi atorunnaarsitsinissamik suliniuteqarfigineqartumi immikkoortortaqarfimmi allanik naleqqunnerpaamik suliaqarsinnaanera tamatuma qulakkiissavaa.

§ 25, imm. 1-imi nutaamik oqaaseqatigiit aappat ilanngunneqassaaq, tassani Akiliisinnaajunnaarneq pillugu inatsimmi, kunngip peqqussutaatigut Kalaallit Nunaannut atuutilersinneqartumi, nalimmassaarineq pillugu §§ 39-imi, 42-imi, 44-imi aamma 45-imi tunngaviit, pisussaaffiit oqaaseqatigiit siullerni ilaatinneqartut naatsorsorneqarneranni, pisariaqartinneqartumik naleqqussaanerit ilanngullugit atorneqarnissaat, aalajangersarneqarpoq. Ilusilersuieqqinnermi imaluunniit inatsit malillugu atorunnaarsitsinermi, suliffeqarfiup imaluunniit immikkoortortaqarfiup akiliisinnaajunnaartut suliarineqalernerani, akiligassaqarfigisap annaasasaanit annertunerusunik akiligassaqarfigisat kikkulluunniit annerusunik annaasaqannginnissaat aalajangersakkap qulakkeerinneqataaffigissavaa.

Eqqussutissatut missingiut aqutugalugu § 25, imm. 3, nr. 6-imi ilanngussisoqarnissaa siunnersuutigineqarpoq. Aningaasat nalillit akilerneqarissaata sinnera ullunik 7-nnik sivikinneruppat, CCP-nut akiligassaqarfigisanit aningaasaliisunillu allanit aningaasaliissutit



annaasaqaataasinnaasut aamma naammassineqarsinnaannginnerat, ilassutip kinguneraa. CCP-nut EU-p iluani angerlarsimaffeqartunut aamma nunani pingajuusuni qitiugumik illuatungiusunut, Den Europæiske Værdipapir- og Markedstilsynsmyndighed-imit akuerineqartunut pisussaaffiit uani ilaatinneqarput. Peqqussutissatut missingiummi nunami pingajuusumi CCP-p akuerineqarneranut EU-mi inatsisitut tunngaviit innersuussutigineqanngillat, kisianni qallunaat inatsisaanni aalajangersakkamut tunngaviit killilersuinerillu assigisaat malillugit aalajangersagaq nassuiarneqassaaq. Pisussaaffiit suliffeqarfiup immikkoortortaqarfiulluunniit atorunnaarsinneqarnissamik suliniuteqarfigineqartup imaluunniit ilusilersoqqinneqartup CCP-mut pisussaaffii, aalajangersakkami ilaatinneqarput, taamaammallu CCP-nut Kalaallit Nunaanniittunut malittarissassiuineq taamaalilluni pineqanngilaq.

Pisussaaffiit arlallit akiligassaqarfigisanit aningaasaliisunillu allanit aningaasaliissutinit annaasaqaataasinnaasunit mininneqartut § 25, imm. 3-mi taaneqarput. Peqqussutissatut missingiummi § 25, imm. 3-mi nutaamik nr. 8-mik ilanngussisoqarpoq. Akiliisinnaajunnaarneq pillugu inatsimmi, kunngip peqqussutaatigut Kalaallit Nunaannut atuutilersinneqartumi, § 97 malillugu taakku akiligassaqarfigisat allat tamaasa akiliiiffiqqaarlugit aatsaat kingusinnerusukkut piumasaqaatigineqarsinnaasutut inissinneqarsimanngippata, suliffeqarfinnut imaluunniit immikkoortortaqarfinnut ingerlatseqatigiiffissuarmi atorunnaarsitsinissamik suliniuteqarfigineqartumi tassani ilaasut, namminneq atorunnaarsitsinissamik suliniuteqarfigineqartutut immikkoortortaqarfiunngitsut akiligassaqarfigisanit aningaasaliisunillu allanit aningaasaliissutit annaasaqaataasinnaasut suliarineqarnissaat pisinnaanngimmat, tamatuma malitsigaa. Ingerlatseqatigiiffissuarmi atorunnaarsitsinissamik suliniuteqarfigineqartumi naleqquttumik atorunnaarsitsisoqarnissata imaluunniit ilusilersueqqittoqarnissaata naammasinnittoqarsinnaanerata qulakkeerneqarnissaa aalajangersakkap siunertaraa, tassani atorunnaarsinermi anguniakkt eqqortinneqarnissaannut atorunnaarsitsinissamik pilersaarummi naleqqunnerpaatut nalilerneqarpat, ingerlatseqatigiiffissuag ataatsimoortinneqarsinnaalluni. Ingerlatseqatigiiffissuarmi atorunnaarsitsinissamik suliniuteqarfigineqartumi akiligassaqarfigisanit aningaasaliisunillu allanit aningaasaliissutit annaasaqaataasinnaasut pillugit pisussaaffiit, ingerlatseqatigiiffissuarmi atorunnaarsitsinissamik suliniuteqarfigineqartumi immikkoortortaqarfiit allat ajornartorsiulernerat kingunerisinnaavaa.

Suliffeqarfiup imaluunniit immikkoortortaqarfiup isumaqatigiissutaanut tunngatillugu §§ 32-imiit 34 ilanngullugu atorunnaarsitsigallarneq imaluunniit killiliineq pisussaaffimmuut pineqartumut pisussaaffimmik sumiginnaanerunngitsaq, § 31, imm. 4-ip malitsigaa. § 4 a-mut nutaamut innersuussisoqarnissaa siunnersuutigineqarpoq, taannalu atorunnaarsitsigallarsinnaanermik pisinnaatitaanermik aamma imaqarpoq. § 4 a malillugu atorunnaarsitsigallarneq pisussaaffimmik sumiginnaanerunngitsaq matumuuna qulakkeerneqarpoq. Isumaqatigiissutini inatsisit malillugit maalaaruteqarsinnaanerit malitsigisaannik suliffeqarfiup immikkoortortaqarfiulluunniit Finansiel Stabilitet-ip atorunnaarsitsinissamik suliniutinik aallartitsinera ingerlaneranut unitsitsissannginnissaata qulakkeerneqarnissaa § 31-imi nalinginnaasumik siunertarineqarpoq.

Peqqussutissatut missingiut aqutigalugu § 32, imm. 4 nutaamik oqaasertaleneqarpoq, taamaalilluni tamatuma kingorna, isumaqatigiissutinut systeminut systemillu atortuinik ingerlatsisunut, qitiusumik illuatungiusunut (CCP-nut) aamma nunani pingajuusuni qitiusumik illuatungiusunut, qitiusumillu aningaaserivinnut § 32, imm. 1 malillugu atorunnaarallartitsinerit suliarineqarsinnaanngillat. Aningaasaqarnermut attaveqatigiiffiup akornusersorneqannginnissaataa pingaaruteqarnera eqqarsaatigalugu, isumaqatigiissusiorfigineqartunut taaneqartunut § 32, imm. 1 malillugu



atorunnaarsitsigallernerup atuutinneqarnissaa naleqqutinngilaq. Siunissami aningaasaliissutinut utertillugit akilerneqarnissamik qularnaveeqqutitalinnut atorunnaarsitsigallartoqarsinnaasoq maluginiarneqassaaq. Aningaasaliissutit utertillugit akilerneqarnissamik qularnaveeqqutitalit maannamut § 32, imm. 4-imi aalajangersakkamut ilaatinneqanngitsut pillugit aalajangersakkamut ilaatinneqarsimapput. Atorunnaarallartitsineq piffissami sivikitsuarakasimmi sunniuteqartarmat tassunga assunga maluginiarneqassaaq.

Systemit ilaattut aamma systeminik ingerlatsisut ima paasineqassapput systemit aamma ingerlatsisut, taamatut sulinissamut toqqarneqarsimasut. Peqqussutissatut missingiummi toqqaanermut EU-mi inatsisitigut tunngaviit innersuussutigineqanngillat, kisianni qallunaat inatsisaanni aalajangersakkamut tunngaviit killilersuinerillu assigisaat malillugit aalajangersagaq nassuiarneqassaaq. Isumaqatigiissutinut, suliffeqarfiup immikkoortortaqrifiulluunniit atorunnaarsitsinissamik suliniuteqarfigineqartup imaluunniit ilusilersoqqinnetartup systeminit ingerlatsisunillu taaneqartunint isumaqatigiissutigisimasai, aalajangersakkami ilaatinneqarput, aamma taamaalilluni Kalaallit Nunaanni systemit taakku il.il. pillugit malittariassiineq uani pineqanngilaq.

Taamatuutaaq § 33, imm. 2, aamma § 34, imm. 3 nutaamik oqaasertalersoneqarput, systemit ilaannut aamma systeminut ingerlatsisunut tunngatillugu, isumaqatigiissutit qitiusumik illuatungerisanut (CCP-nut) isumaqatigiissutigineqartut aamma nunani pingajuusuni qitiusumik illuatungerisanut kiisalu qitiusumik aningaaserivinnut Finansiel Stabilitet-ip atorunnaarsitsigallarnissamut pisinnaatitaanera aalajangersakkani taakkunani marlunni taamaaqataanik killiliinermik kinguneqarpoq.

Atorunnaarsitsinissamik iliuitsit aallartinneqarnissaannut naammassineqarnissaannullu atatillugu Finansiel Stabilitet-ip ingammik atortagaanut, atorunnaarsitsinissamut pisinnaatitaanerit taagorneqarnerannik § 42, imm. 1 imaqarpoq. § 42, imm. 1, nr. 5-imi suliffeqarfimmi immikkoortortaqrifimiluunniit atorunnaarsitsinissamik suliniuteqarfigineqartumi akiligassanik nalikillilerneqarnissamut naleqquttunik immikkoortortaqrifimmi, suliffeqarfimmi ingerlatseqatigiiffittut piginnittumit aalajangiisutut sunniuteqarfigineqartumi imaluunniit suliffeqarfimmut immikkoortortami, ingerlatseqatigiiffissuup pingaarnertut piginneqatigiiffiani imaluunniit broinstituttimi akiligassat pigisatut nalilittut tuniniarneqarsinnaasutut nuunneqartut ilaatinneqarnissaat pineqarpoq. Peqqussummut missingiut aqutugalugu § 42, imm. 1, nr. 5 nutaamik oqaasertalerneqarpoq, taamaalilluni ilaatigutallannguneq, suliffeqarfimmi ingerlatseqatigiiffittut piginnittumit allajangiisutut sunniuteqarfigineqartumi imaluunniit immikkoortortaqrifimmi ingerlatseqatigiiffittut piginnittumit allajangiisutut sunniuteqarfigineqartumi § 18 a malillugu nuussineq aalajangesakkami aamma ilaatinneqassalluni. Aalajangersagaq suliffeqarfimmi imaluunniit immikkoortortaqrifimmi atorunnaarsitsinissamik suliniuteqarfigineqartumi imaluunniit suliffeqarfimmi, ingerlatseqatigiiffittut piginnittumimt aalajangiisutut sunniuteqarfigineqartumi imaluunniit immikkoortortaqrifimmi atorunnaarsitsinissamik suliniuteqarfigineqartumi, akiligassat suliffeqarfimmut, immikkoortortaqrifimmut, pigisatut nalilittut tuniniarneqarsinnaasutut nuunneqartut suliffeqarfimmut, ingerlatseqatigiiffittut piginnittumimt aalajangiisutut sunniuteqarfigineqartumut imaluunniit- immikkoortortaqrifimmut, piginneqatigiiffimmut pingaarnerusumut imaluunniit broinstitut-imut, §§ 17, 18, 18 a aamma 24-imiit 28 ilanngullugu pigisat nalillit, pisinnaatitaaffiit imaluunniit pisussaaffiit nuunneqartut taamaalilluni siumut isigisumik aalajangersagaq innersuussivoq.

Peqqussutissatut missingiut aqutugalugu §§ 46 a aamma 46 b ilanngunneqarput. Akiliisinaajunnaarneq pillugu inatsimmi nalimmassaarineq pillugu tunngaviit, § 25, imm. 1,



oqaaseqatigiit aappaattut aalajangersagassatut siunnersuutigineqartoq atorneqartillugu, aamma § 46 b nutaatut ilanngunneqartoq malillugu atorunnaarsitsisoqarpat, Finansiel Stabilitet-ip ullormi tassani atorunnaarsitsinissamik suliniummik aallartitsinissamik aalajangiiffia, "ullortut piffissaliussatut", isigineqassasoq, § 46 a-mi aalajangersarneqarpoq.

Akiliisinnaajunnaarneq pillugu inatsimmi atorunnaarsitsineq pillugu kapitali 8-mi malittarisassat, Aningaasersuineramik ingerlatsisut ilaasa ilusilersoqqinneqartarnerat atorunnaarsinneqartarnerallu pillugu inatsit malillugu suliffeqarfinnut immikkoortortaqaqfinnulluunniit aamma atuutissasut § 46 b-mi aalajangersarneqarpoq. Akiliisinnaajunnaarneq pillugu inatsimmi, Kalaallit Nunaannut kunngip peqqussutaatigut atuutilersinneqartumi, kapitali 8-mi malittarisassat malillugit atorunnaarsitsinissamik naammassinninnissamut periarfissaqannginnerup, ilusilersueqqinnermi imaluunniit atorunnaarsitsinermi, akiliisinnaajunnaarnermi pissutsinut ataatsimoortikkaanni akiligassaqaqfigisanut annaasaqarnermik kinguneqarsinnaanera siunnersuummut tunngaviuvoq. Ilusilersueqqinnermi imaluunniit atorunnaarsitsinermi, suliffeqarfiup imaluunniit immikkoortortaqaqfiup akiliisinnaajunnaartutut suliarineqalernerani, akiligassaqaqfigisap annaasasaanit annertunerusunik akiligassaqaqfigisat kikkulluunniit annerusumik annaasaqannginnissaat aalajangersakkap taamaalilluni qulakkeerinneqataaffigaa.

Peqqussummut missingiut aqputigalugu § 61, imm. 7 (nr. 9-nngortoq) ilanngunneqarpoq, tassani Finansiel Stabilitet pillugu aamma Finansiel Stabilitet-ip suliffeqarfiutaanut, aalajangiisutut sunniuteqarfigineqartunut tunngatillugu, matumani broinstituttit aamma pappiaqqat nalillit pillugit allaffissornikkut ingerlatseqatigiiffii ilanngullugit, Finansiel Stabilitet-ip suliassai pillugit malittarisassanik erseqqinnerusunik Inuussutissarsiornermut ministeri aalajangersaasinnaaneranik tunineqarpoq. Suliffeqarfiup sullitaminut piumasaqaatai, matumani ernianut qaffasissutsit, akitsuutit il.il. pillugit malittarisassanik erseqqinnerusunik aalajangersaanissamut pisinnaatitaaneq ilaatigut atorneqarsinnaasaaq, tassami taakku pilerinartuussanngillat aamma piumasaqaatinut, suliffeqarfinnit assingusunik inuussutissarsiuteqartunit sullitanut nalinginnaasumik neqeroortutigineqartartunik unammillissanngillat.

Peqqussummut missingiut aqputigalugu § 61-imi nutaatut imm. 7 aamma 8 ilanngunneqarput. Inunnut paasissutissanik suliarinnittarneq pillugu inatsimmi, kunngip peqqussutaatigut nr. 1238-ikkut, 14. oktober 2016-imeersukkut §§ 28-imi, 29-imi aamma 31-imi paasissutissiisussaataaneq aamma paasisimatinneqartussaannermut pisinnaatitaaffik pillugit malittarisassat, Finansiel Stabilitet-ip suliaminut atatillugu suliarisaanut atorneqarsinnaannginneri tamatum malitsigaa. Pisuni Finansiel Stabilitet imaluunniit taassuma suliffeqarfiutaa aalajangiisutut sunniuteqarfigisaa paasissutissanut akisussaasuuppaat aamma inunnut paasissutissanik suliarinninnermi aningaasersuineramik suliffeqarfiit ilaasa ilusilersoqqinneqarnerannik imaluunniit atorunnaarsinneqalernerannik siunertaqarpat, saneqqutsineq atorneqassaaq. Aalajangersagaq Kalaallit Nunaanni pissutsinut naleqqussagaavoq, tassami qallunaat allanngortitsineramik inatsisaat EU-p paasissutissanik illersuinissamut peqqussutaanut innersuussimmat, taannalu inatsisikkut Kalaallit Nunaannut atuutilersinneqanngilaq.

§ 63-imi nutaatut imm. 2-mik ilanngussisoqarnissaa siunnersuutigineqarpoq. Finansiel Stabilitet pillugu inatsisip malitsigisaanik suliassat tiguneqarsimasut Finansiel Stabilitet-ip atorunnaarsikkiartussagai aalajangersakkap malitsigaa. Suliart atorunnaarsikkiartorneqarnerat naalagaaffiup akilissavaa annaasaqaatigisinnaallugulu. Suliart Finansiel Stabilitet-imit siusinnerusuklut tiguneqarsimasunut atatillugu, suli naammassineqarsimanngitsunut, taamaalillutik suli naammassiniarneqassapput.



Atorunnaarsitsineq suli nalaalagaaffiup akilissavaa annaasaqaatigisinnaallugulu. Peqqussummi § 5 malillugu § 63, imm. 2-mik ilanngussineq, Finansiel Stabilitet pillugu inatsisip atorunnaarsinneqarnissaanik siunnersuutigineqartumut atatillugu isigineqassaaq.

Peqqussummut missingiut atorlugu finansiel stabilitet pillugu inatsit atorunnaarsinneqassaaq. Atorunnaarsitsineq § 63, imm. 2-mut atatillugu isiginiarneqassaaq, taannalu Aningaasersuineramik ingerlatsisut ilaasa ilusilersoqqinneqartarnerat atorunnaarsinneqartarnerallu pillugu inatsimmi, kunngip peqqussutaatigut Kalaallit Nunaannut atuutilersinneqartumi, ilanngunneqarnissaa siunnersuutigineqarpoq. Finansiel Stabilitet-ip instituttit tigusimasaasa atorunnaarsinneqarnissaat pillugit malittarisassat tamatuma kingorna inatsimmi ataatsimi katersorneqassapput.

2. Peqqussummut missingiummi Kalaallit Nunaanni pissutsinut naleqqussaannerit malitsigisaannik allannguutissatut siunnersuutit

Peqqussummut missingiummi nassiunneqartumi qallunaat malittarisassaannut tunngatillugu Kalaallit Nunaanni pissutsinut malitsigisaannik naleqqussaannerit arlallit siunnersuutigineqarput.

Inatsimmut qulequttamut fodnote-mut allannguut Kalaallit Nunaannut atuutilersinneqassanngilaq, tassami Kalaallit Nunaat EU-mut ilaasortaangimmat. Taamaammat Aningaasersuineramik ingerlatsisut ilaasa ilusilersoqqinneqartarnerat atorunnaarsinneqartarnerallu pillugu inatsimmi, kunngip peqqussutaatigut Kalaallit Nunaannut atuutilersinneqartumi, EU-mi inatsisitigut pituttuisumik aalajangersaaneq tunuliaqutarineqartoq, innersuussutigineqassanngilaq.

§ 2-mi nutaatut normu 2-mi immikkoortortaarfik atorunnaarsitsinissamik suliniuteqarfigineqartoq pillugu nassuiaat ilanngunneqarpoq. Qallunaat allannguutissatut inatsisaanni nassuiaammut Aningaasersuineramik ingerlataqarneq pillugu inatsimmi § 5, imm. 1, nr. 77 innersuussissutigineqarpoq. Aalajangersagaq Aningaasersuineramik ingerlataqarneq pillugu inatsimmi, kunngip peqqussutaatigut Kalaallit Nunaannut atuutilersinneqartumi § 5, imm. 1, nr. 73-imut innersuussisoqarneratigut, Kalaallit Nunaanni pissutsinut naleqqussarneqarpoq.

Ingerlatseqatigiiffissuup atorunnaarsinneqarnissamik suliniuteqarfigineqartup nassuiaataa § 2-mi nutaatut nr. 4 ilanngunneqarpoq. Qallunaat allannguutissatut inatsisaanni nassuiaammut Aningaasersuineramik ingerlataqarneq pillugu inatsimmi § 5, imm. 1, nr. 74 innersuussisuussutigineqarpoq. Aalajangersagaq Aningaasersuineramik ingerlataqarneq pillugu inatsimmi, kunngip peqqussutaatigut Kalaallit Nunaannut atuutilersinneqartumi § 5, imm. 1, nr. 74-imut innersuussisoqarneratigut, Kalaallit Nunaanni pissutsinut naleqqussarneqarpoq.

Peqqussummut missingiut aqutigalugu allannguinerit kingunerisaannik § 2, nr. 14-imi allannguisoqarpoq, tassanilu aningaasateqarfinnut niueqatigiinnermi akunnermiliuttartutut ingerlatsiviit I-iusut qanoq paasineqarnissaat nassuiarneqarpoq. Isummap imarisaa Aningaasersuineramik ingerlataqarneq pillugu inatsimmi, kunngip peqqussutaatigut Kalaallit Nunaannut atuutilersinneqartumi nassuiarneqarpoq, taamaammat tassani nassuiaat innersuussutigineqarpoq. Aningaasersuineramik ingerlataqarneq pillugu inatsimmi, kunngip peqqussutaatigut Kalaallit Nunaannut atuutilersinneqartumi allannguinerit malitsigisaannik, eqqortumik innersuussinissaq qulakkeerniarlugu aalajangersakkap allanngortinneqarnissaa pisariaqarpoq. Taamaammat Kalaallit Nunaanni pissutsinut naleqqussaanneruup malitsigisaannik innersuussineq § 5, imm. 1, nr. 32-imiit § 5, imm. 1, nr. 35-imut



allanngortinneqarpoq.

Qallunaat allannguutissatut inatsisaat (inatsit nr. 2110, 22. december 2020-imeersoq aamma inatsit nr. 2382, 14. december 2021-imeersoq) Aningaasersuineramik ingerlatsisut ilaasa ilusilersoqqinneqartarnerat atorunnaarsinneqartarnerallu pillugu inatsimmi § 13-imi nutaanik imm. 4-mik aamma 5-imik ilanngussipput. Aningaasersuineramik ingerlatsisut ilaasa ilusilersoqqinneqartarnerat atorunnaarsinneqartarnerallu pillugu inatsimmi, kunngip peqqussutaatigut Kalaallit Nunaannut atuutilersinneqartumi, massakkuugallartoq taamaallaat imm. 1 aamma 2 nassaassaapput. Taamaammat Kalaallit Nunaanni pissutsinut naleqqussaanerit malitsigisaannik imm. 4-mik aamma 5-imik ilanngussineq peqqussummi imm. 3-mut aamma 4-mut allanngortinneqarput.

Aningaasersuineramik ingerlatsisut ilaasa ilusilersoqqinneqartarnerat atorunnaarsinneqartarnerallu pillugu inatsimmi, inatsimmi nr 2110-imi, 22. december 2020-immersumi, Finansiel Stabilitet-imut taassumalu suliffeqarfiutaanut aalajangiisutut sunniuteqarfigisaanut, allagaataasivik pillugu inatsimmi avaqqutsineq § 63, imm. 3 ilanngunneqarpoq. Allagaataasivik pillugu inatsit Kalaallit Nunaannut atuutilersinneqanngilaq. § 63, imm. 3-mik allannguneq taamaammat Kalaallit Nunaannut atuutilersinneqanngilaq.

§ 63 a Kalaallit Nunaannut atuutilersinneqanngilaq. Inatsimmi nr. 721-imi, 25. juni 2010-imeersumi (Bankpakke III) aamma inatsimmi nr. 273-imi 27. marts 2012-imeersumi (Konsolideringspakken – model 2) malittarisassat malillugit Finansiel Stabilitet-ip suliat tigusimasaasa sinneruttut atorunnaarsinneqarnissaat aalajangersakkap malittarisassiuuppaa. Bankpakkit taaneqartut malillugit kalaallit instituttiinik tigusisoqarsimannigilaq, aamma bankpakkit ullumikkut Aningaasersuineramik ingerlatsisut ilaasa ilusilersoqqinneqartarnerat atorunnaarsinneqartarnerallu pillugu inatsimmit taarserneqarput.

3. Peqqussutip Kalaallit Nunaannut atuutilersinneqarnera

Kunngip peqqussutaatut missingiummi nassiunneqartumi peqqussutip Kalaallit Nunaanni 1. juli 2023-mi atuutilersinneqarnissaa siunnersuutigineqarpoq.